

UGOVOR

o pružanju usluge štampanja i isporuke publikacije iz lota 2
INFO USTAVNOG SUDA BOSNE I HERCEGOVINE – 2024

Zaključen između:

USTAVNI SUD BOSNE I HERCEGOVINE, ulica Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine (u daljem tekstu: **Naručilac usluge**),

i

BLICDRUK d.o.o. Sarajevo, ulica Čemaluša br. 8, Sarajevo koga zastupa Jasmina Hrlović-Budimir, direktor (u daljem tekstu: **Izvršilac usluge**).

Član 1.

Predmet ovog ugovora je štampanje i isporuka publikacije Info Ustavnog suda Bosne i Hercegovine – 2024 prema definisanim uslovima iz tenderske dokumentacije broj SU-08-911-4/24 od 25. septembra 2024. godine i prema sadržaju ponude Izvršioca broj 203/24-2 od 8. oktobra 2024. godine, sa kojom je Izvršilac učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Član 2.

Ukupna cijena za štampanje publikacije iz člana 1. ovog ugovora, definisana nakon e-aukcije, iznosi 830,00 KM bez uračunatog PDV-a odnosno 971,10 KM sa uračunatim PDV-om za tiraž od 100 komada.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Izvršilac je dužan dobiti konačnu saglasnost i odobrenje za štampu kao i biti u stalnoj komunikaciji sa kontakt osobom koju će Naručilac zadužiti za navedene poslove. U slučaju da Izvršilac pristupi štampanju bez pregleda i odobrenja, Naručilac će vratiti materijale na ponovno štampanje o trošku Izvršioca.

Izvršilac se obavezuje da će poslove iz člana 1. ovog ugovora izvršiti i isporučiti na adresu Naručioca najkasnije do 31. decembra 2024. godine i da će isporučenu robu pratiti potrebna dokumentacija.

Izvršilac se obavezuje da će najkasnije do 31. decembra 2024. godine dostaviti fakturu na osnovu otpremnice potvrđene od strane Naručioca da je preuzeo robu koja u potpunosti odgovara traženim tehničkim elementima iz tenderske dokumentacije. U slučaju odstupanja, Naručilac će vratiti materijale na ponovno štampanje o trošku Izvršioca.

Član 4.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po prijemu robe i fakture bez primjedbi, istu proslijediti na plaćanje Ministarstvu finansija i trezora BiH.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.



Član 7.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Član 8.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA DAVAOCA USLUGE


Direktor

Jasmina Hrlović-Eudimir


Broj: 69/24
Datum, 08.11.2024. godine

ZA NARUČIOCA USLUGE

Generalni sekretar
Ustavnog suda Bosne i Hercegovine


Nataša Vuković



Broj: SU-08-911-14/24
Datum, 5. novembra 2024. godine